

**UGOVOR O JAVNOJ NABAVCI**  
**BROJ OP-08/15**  
**(pružanje usluga servisa, održavanja i rezervnih dijelova za vozila)**

Zaključen između ugovornih strana:

1. **Javne ustanove Dom zdravlja Kantona Sarajevo**, sa sjedištem u Sarajevu, ulica Vrazova br. 11, koju zastupa generalni direktor prim.dr. Milan Mioković (u daljem tekstu: **Naručilac**)
- i  
2. **Djeem trans doo Sarajevo**, sa sjedištem u Sarajevu, ulica Drinska broj 144, ID broj 4200150630006, PDV broj 20015066300, kojeg zastupa Emir Hrbat (u daljem tekstu: **Izvršilac**).

Ugovorne strane su saglasne u sljedećem:

**I Osnova za zaključenje ugovora**

**Član 1.**

Osnov za zaključenje ugovora je Odluka o pokretanju postupka javne nabavke broj 01-03-4294/15 od 01.06.2015. godine, Odluka o dodjeli ugovora broj 01-03-4294-3/15 od 07.07.2015.godine, u otvorenom postupku javne nabavke broj OP-08/15.

**II Predmet ugovora**

**Član 2.**

Predmet ugovora je nabavka usluga servisa (mali i veliki servis), održavanja i rezervnih dijelova za vozila u vlasništvu Naručioca, bliže specificirana u ponudi Izvršioca, koja je sastavni dio ugovora.

**III Ukupna vrijednost ugovora**

**Član 3.**

Ukupna vrijednost ugovora iz člana 2. Ugovora, sa uključenim PDV-om, na godišnjem nivou, iznosi maksimalno do:

**90.000,00 KM**

(Slovima: devedeset hiljada KM 00/000 pf).

U ukupnu ugovorenou vrijednost su uključeni svi zavisni troškovi nabavke potrošnog materijala kao i realizacija usluga.

#### **IV Obezbjedenje sredstava**

##### **Član 4.**

Sredstva u iznosu iz člana 3. Ugovora, obezbjedit će Naručilac iz vlastitih sredstava.

#### **V Vrijeme trajanja ugovora**

##### **Član 5.**

Ugovor se sklapa na period od godinu dana a stupa na snagu danom potpisivanja Izvršioca.

#### **VI Način izvršenja ugovora**

##### **Član 6.**

Izvršilac je dužan da se po učinjenoj prijavi od strane Naručioca odazove u roku od 24 sata i da kvar otkloni u roku do maksimalno 7 dana od dana prijema narudžbe za standardne kvarove.

##### **Član 7.**

Pri određivanju rokova završetka radova Izvršilac je u obavezi da obezbjedi dovoljno vremena za kvalitetno izvođenje radova, kontrolu radova, eventualne naknadne radove, kao i eventualna naknadna ispitivanja.

Ukoliko se u toku radova utvrdi pogrešna defektaža, troškovi radova padaju na teret Izvršioca.

##### **Član 8.**

Odstupanje od rokova može se tolerisati samo u slučaju više sile, kod proširenja obima radova u odnosu na stanje u momentu otvaranja naloga i u slučaju nestasice originalnih dijelova kod proizvođača ili na tržištu, o čemu je Izvršilac obavezan da odmah obavijesti Naručioca.

#### **VII Način i uslovi plaćanja**

##### **Član 9.**

Nakon stupanja na snagu ovog Ugovora, plaćanje predmeta ugovora vršit će se u roku koji je naznačen u ponudi Izvršioca, počev od dana ispostavljanja fakture.

## **VIII Obaveze Izvršioca**

### **Član 10.**

Izvršilac je obavezan da pruži prioritet u prijemu i popravci vozila Naručioca, prije svega sanitetskih, kao i izvršavanja popravki u što kraćem roku, a da se pri tom kvalitet usluga ne dovodi u pitanje.

Izvršilac se obavezuje da sitnije opravke obavi na terenu, van servisa, kao i da vozilo odšlepa u servis i u istom otkloni kvar, ukoliko se kvar nije mogao otkloniti na terenu.

Izvršilac se obavezuje da će, ukoliko nije u mogućnosti da nastali kvar otkloni, o svom trošku angažovati treće lice koje će kvar otkloniti.

### **Član 11.**

Po dopremanju vozila za popravku u krug Izvršioca, Izvršilac je dužan da preko svoje tehničke službe izvrši prijem vozila i za ista otvori radne naloge, i to odmah po prispjeću vozila.

### **Član 12.**

Izvršilac se obavezuje da prijem vozila i servis vrši posebno obučeno i stručno lice, koje je u obavezi da pregleda vozila i uoči eventualna oštećenja, sasluša primjedbe i zahtjeve Naručioca, izvrši probnu vožnju i ostale radnje radi potpune defektaže, utvrdi radove i radnje koje treba obaviti, kao i da pruži sva potrebna objašnjenja o daljoj proceduri.

### **Član 13.**

Izvršilac je dužan da popravke izvrši kvalitetno, u skladu sa tehničkim normativima i sa pažnjom dobrog privrednika, uz detaljno objašnjenje radova koji su vršeni na vozilu.

### **Član 14.**

Izvršilac se obavezuje da u svom magacinu pojeduje originalne rezervne dijelove, kao i originalna ulja i ostala maziva koja su propisana za vozila Naručioca, i da će iste koristiti prilikom otklanjanja kvarova na vozilima Naručioca.

### **Član 15.**

Izvršilac je u obavezi da Naručiocu vrati stare, zamijenjene dijelove, kao i sredstva koja se iz tehničkih razloga ne mogu popraviti, izuzev u slučaju kada Naručilac odbije da ih primi, potvrdivši to pismeno na radnom mjestu.

Izvršilac je dužan da za potrebe izvršenja pruzetih obaveza po ovom Ugovoru, sarađuje sa Službom tehničkih poslova Naručioca.

## **IX Obaveze Naručioca**

### **Član 16.**

U slučaju da Naručilac odustane od vršenja daljih popravki na vozilu, dužan je da Izvršiocu plati sve obaveze nastale do momenta obavljene usluge, kao i rezervne dijelove koji su ugrađeni, a što će utvrditi zajednička komisija.

### **Član 17.**

Pri preuzimanju vozila Naručilac je obavezan da provjeri kvalitet izvedenih radova po radnom nalogu.

Naručilac će izvršene usluge platiti u roku od 30 dana od dana ispostavljanja fakture.

### **X Ostale odredbe**

### **Član 18.**

Ovaj ugovor se može raskinuti sporazumno uz obostranu saglasnost ugovornih strana.

### **Član 19.**

Svaka ugovorna strana ima pravo jednostranog raskida ugovora u slučaju da druga strana ne izvršava svoje ugovorne obaveze.

Jednostrani raskid ugovora mora se najaviti 15 (petnaest) dana ranije.

Naručilac zadržava pravo da jednostrano raskine ovaj Ugovor ako Izvršilac usluge ne isporučuje usluge po cjenama, vrsti i rokovima predviđenim ovim Ugovorom, kao i u slučaju neopravdanog povećanja cijena od strane Izvršioca usluga.

### **Član 20.**

Na sve što nije predviđeno ovim Ugovorom, primjenjivat će se odredbe Zakona o obligacionim odnosima.

### **Član 21.**


Ugovorne strane su saglasne da će sve sporove koji eventualno nastanu u toku i u vezi sa realizacijom ovog Ugovora, rješavati sporazumno, dok će u suprotnom biti naležan Sud u Sarajevu.

### **Član 22.**

Ugovor stupa na snagu danom potpisivanja Izvršioca, a sačinjen je u četiri primjerka od kojih Naručilac zadržava tri primjerka (SEFP, STP, Tehn. sekretar Komisije) a Izvršilac, jedan primjerak.



Sarajevo, dana 31.08.2015  
Broj: 01-03-6118/15



Sarajevo, dana 03.09.2015  
Broj: 01-23-8/15